

Lingzyinz Sam Nyied Fwen Rwenzhap

凌云：三月瑶寨歌飞扬

3 nyied 21 hauh, Lingzyinz Yen Swcwngz Cin Ginhbauj Mbanjyauz sing fwen rwenzhap, vunz lai vunz daih, Ginhbauj Cunh Gaiq Daih' it Minzsuz Vwnzvacez "Ngeih Nyied Co' ngeih" youq gizde hoengh hai. Ngoenzde, gyoengq Yauzcuz beixnuengx dangdieg caeuq gyoengq yauzcuz mbanjnden cungj daenj buhvaq ngoenzciet daeuj caez angqhoh aen ciet neix. Ngoenzde, gyoengq Yauzcuz beixnuengx baijok le Yauzcuz laeujlanzloh, byaujyenj le loxlez raez Yauzcuz caeuq foux gyongdoengz daengj cezmuz, gyoengqvunz yawj le cungj bak haenh mbouj dingz.

(Siuh Fazlingz Yangz Dunghcan/肖发凌 杨通站 ingi)



▲ Loxlez raez byaujyenj.

► Aendomq cienz cingz.



Gunghewngz Daih Cibsam Gaiq Ciet Vadauz Bimu

恭城第十三届桃花节闭幕



▲ Vwnzyi byaujyenj.

3 nyied 22 hauh lajbyonghngoenz, "Gunghewngz Vadauz Hai, Seizndei Buenx Mwngz Daeuj" Daih Cibsam Gaiq Ciet Vadauz bimu lo. Daj 2 nyied 28 hauh haiguh yizsi gvaqdaej, gyoengq hekyouz cawz gag ndomq va hozdung le, lij ndomqyawj Yauzcuz youq gwnz raemx cetyouz gietvaen okhaq, cangq ndang maenhndei cezmuz yienjok, govuengz ndawbiengz Guengjsae eu fwen daengj minzcuz funghcingz ndeindi haenx dem, gyoengq hekyouz ngonz ndaej maez-mwdmwd. (Liengz Veih Vangz Hozgunh Hoz Ciyauz/梁辉王合坤 何志瑶 ingi)

Daihhseng Gawjbanh Ndangdaenj Vanzbauj

大学生举办环保时装秀



3 nyied 22 hauh, youq bakdou laeuzsonhag Gvangjsih Dayoz Nungzyozyen, gyoengq daihhseng daenj gij buhvaq vanzbauj swheij gag guh haenx hwnj daiz bae baij hawj vunz lai yawj.

Ngoenzhaenx, gyoengq daihhseng daenj gij buhvaq yungh bauqcej rengq, baengz suli, ceijsieng, daehcawxhuq, gvanghbanz guhbaenz haenx, doxlwnz hwnj daiz bae baij yiengh, cangdauj aen lijnen dihdan vanzbauj.

(Yi Sienghceenz/喻湘泉 ingi)

◀ Dahsau daihhseng daenj buh bauqcej vanzbauj baij yienj.

Sanhgyangh Mbanjdung Gawjbanh Vaiz Doxdaemj Muengh Fungsou

三江：侗寨斗牛祈丰年

3 nyied 22 hauh, Sanhgyangh Duncuz Swciyen Duzdung Yangh Bazhez Cunh Colungz Dunz gawjbanh "ngeih nyied co' ngeih" conzdungj vaiz doxdaemj, gaenh 20 duz vaizvuengz daj Duzdung, Dungzloz daengj yanghcin daeuj haenx doxbuek haenq raeuh, yinx baenz fanh vunz Duncuz daeuj yawj nauhyied.

Duncuz gawjbanh vaiz doxdaemj gaenq miz geij bak bi lizsij, moix bi cinaen gonqlaeng, gyoengq beixnuengx Duncuz gag rox gawjbanh vaiz doxdaemj daeuj hoh bi moq rumz ndei fwn swnh, hauxbyaek fungsou.

(Yangz Mingz Gungh Bujgangh/杨明 龚普康 ingi)



▲ Vaiz doxdaemj yienhciengz.

Yungzanh Liggaueq Ngeih Nyied Co' ngeih Daeq Gyauej

融安农历“二月二”剃龙头



Ciuq aen sibgvenq ndawbiengz Yungzanh, gyoengqvunz cungj haengj youq ngoenz liggaueq ngeih nyied co' ngeih daeq gyauej, gyoengqde nyinhnaeuz yienghneix guh rox hawj bi moq daiq daeuj seizheiq ndei. Ngoenz liggaueq ngeih nyied co' ngeih, gyoengqvunz maqmuengh duzlungz ngiengx gyauej muengh fwj aeu fwn daeuj rwed doenghgo. Ngoenzhaenx, gyoengq canghdaeegyauej nyaengq dangqmaz, seng' eiq hoengghwd.

(Veiz Cujswz/韦祖祠 ingi)

◀ Canghdaeegyauej nyaengq bang gyoengqvunz daeq gyauej.

Beixnuengx Aumwnz Bangfuz Gih Raeuz Gyauyuz

澳门同胞的内地山区教育情

Daj 2004 nienz gvaqdaej, 20 lai aen sevei donzdij Aumwnz beixnuengx gungh 726 vunzbaez laebdaeb gien ngaenz 401.2 fanh maenz ngaenz bangfuz gih raeuz Ginzhih 13 aen hagdangz diegbya (hamz saeseng). Gij ngaenz neix hwnj ndaej 6 aen laeuzsonhag, gencuz menciz daih' iek 4500 bingzfuengmij; bang 7 aen hagdangz gaijndei banhhag diuzgen; bangfuz daih' iek 100 boux lauxsae caeuq 785 boux hagseng maenhndei roxnaeuz hagseng gungzhoj; soengq veivwnbinj caeuq gij doxgaiq hagsib hawj 5000 boux hagseng.

(Liuz Sinhvaz/刘新华 ingi)

